



ՄԱՅՐ ԱԹՈՌՈՅՍ ՄԻԱԲԱՆ

ԴՌԻԿԱՍ ՎԱՐԴԱՊԵՏ ԶԱՏԻՈՐԵԱՆՑ

Հանգեալ ի Տէր.

Հանգուցեալը ի մանկութենէ հետէ Մայր Աթոռոյս Ժառանգաւորաց դպրանոցում ուսանելով 1873 թուին Սարկաւազ և 1876 թուին Աբեղայ ձեռնադրուեց ի միաբանակցութիւն Մողնւոյ Ս. Գէորգայ վանուց և 1878ին մասնաւոր վարդապետութեան աստիճան ստացաւ:

Հանգուցեալը վարել է Մողնւոյ Ս. Գէորգայ, Մաղարթու Ս. Ստեփաննոս Նախավկայի և Մեղրւոյ վանուց վանահայրութեան պաշտօնները. 1884ին կոչուելով ի Մայր Աթոռոս ի միաբանակցութիւն՝ միամսեայ հիւանդութիւնից յետոյ 38 ամեայ հասակում, ամսոյս 9ին կնքեց իւր մահկանացուն և ամսոյս 10ին պատշաճաւոր յուղարկաւորութեամբ թաղուեց Մայր Աթոռոյս Միաբանութեան գերեզմանոցում:

Աղօթենք առ Աստուած ի լոյս երեսաց իւրոց Հանգուցանել Հանգուցելոյ հոգին, ի տեղի նորա արժանաւոր պաշտօնեաներ յարուցանելով ի սպասաւորութիւն Ս. Եկեղեցւոյ: